

2015-mi Inatsisartut upernaakkut ataatsimiinnissaata aalajangiiffigineqarnera.
(Siulittaasoqarfik)

Inatsisartut suleriaasianni § 38, imm. 4 naapertorlugu Inatsisartut ukiakkut ileqquusumik ataatsimiinnerminni Inatsisartut ukiuanni ileqquusumik ataatsimiinnissamik qaqugu pinissaat aalajangersartassagaat. Taanna malillugu 2015-imi upernaakkut ataatsimiinnissap qaqugu pinissaa ullormi immikkut ittumik ataatsimiiffiusumi marlunngornermi 16. december 2014-imi aalajangerneqartariaqarpoq.

2015-imi aningaasanut inatsisissap akuersissutigineqartariaqarnera immikkut eqqarsaatigalugu upernaakkut ataatsimiinnissap nalinginnaasumik pisarnerminit siusinnerusukkut pinissaa pisariaqartinneqarpoq. 2015-imi aningaasanut inatsisissatut siunnersuut (AIS15) ukiortaap 2014/2015-ip kingorna aammalu Naalakkersuisunik nutaanik qinersinerup kingunerisaanik oqartussaaffinnik allannguinerup kingorna aatsaat suliaralugu aallartinneqarsinnaanera eqqarsaatigalugu Siulittaasoqarfik aalajangerpoq 2015-imi aningaasanut inatsisissatut siunnersuummut tunngatillugu Inatsisartut ataatsimiinnissaat sapaatit akunnerinik tallimanik sioqqullugu tunniussereersimanissamik nalinginnaasumik piunasaqaat sanioqqunneqassasoq, tamatumunngalu peqatigitillugu aningaasanut inatsisissatut siunnersuummik elektroniskimik Aningaasaqarnermut Ataatsimiititaliap piareersarnissamini atugassaanik sapinngisamik siusinnerpaamik nassiussinissaq tunngavissaatinneqarluni.

Tamatuma kingunerisaanik ima piffissaliussisoqarsinnaavoq:

30/1: AIS15 minillugu siunnersuutit sinnerinut ulloq tunniussivissaq.

20/2: AIS15-imi ulloq tunniussivissaq.

6/3: UPA15-ip allartinnera

27/3: Poorskimut sulinngiffeqarnerup aallartinnera (angerlamut angalanissamut periarfissaqarpoq)

10/4: Poorskimut sulinngiffeqarnerup naanera

1/6: UPA 15-ip naammassinera (ilimagisatut)

Oqaaseqarusuttoqarnerluni?